


**TRUTH  
CENTERED  
TRANSFORMATION**

**MODULE**



**MUNYU NECHIEDZA  
MIFANANIDZO  
INOBATSIRA**

# Zviri Mukati

## **Chidzidzo chekutanga: Munyu neChiedza**

- Handigone kuita masvomhu! Mutambo – Tsikisa makopi matatu
- Nyaya Pfupi Nhatu\* – Tsikisa kopi imwe wopatsanura

## **Chidzidzo chechitatu: HuKristu hweChokwadi**

- Mutambo weVanhu vatatu – Tsikisa uye wopatsanura

## **Chidzidzo chechina: Kubvisa Chivi uye Kuvandudza Pfungwa Dzedu**

- Mutambo wemaDodzi Matema (Black Dot Game) –Tsikisa kana kuti gadzira makadhi akakwana kuti munhu wese ave nekadhi rimwe – cheka mutsara wekutanga kuratidza boka. Cheka zvakasara zvese uchipatsanura(ese madodzi matema) uye uise muhamvuropu kana bhegi
- Matanho eKukunda Chivi (danho rekutanga kusvikira rechishanu)

## **Chidzidzo chechishanu: Kutsiva Zvakaipa neZvakanaka**

- Matanho eKukunda Chivi (danho rechitanhatu kusvikira rechipfumbamwe)
- Chati risina chinhu\* – Tsikisa rimwechete remudzidzi wega wega

## **Chidzidzo chechipfumbamwe: Kuunganidza Vanozvipira Kushanda**

- Nzira Nomwe dheKukurudzira Kushumira\* –Tsikisa kopi imwe paboka diki rega rega

**\*Mifananidzo inobatsira iyi inowanikwawo zvekare muGwaro reMudzidzi raungasarudza. Kana uri kushandisa gwaro revadzidzi, usadhinde Mifananidzo Inobatsirab yakanyorwa ne (\*).**

# Chidzidzo chekutanga: “Handigone Kuita Masvomhu!” Mutambo

Chiitiko: Mutengesi wemuchitoro ari kutengesa munyu pachitoro chake. Mutengi anosvika achida kutenga munyu.

Mutengi wekutanga anopinda muchitoro okumbira kutenga munyu obvunza nezve mutengo wemunyu. Mutengesi anomupa munyu, Mutengi wekutanga anobhadhara, mutengesi anopa chenji kune Mutengi wekutanga.

Sezvo Mutengi wekutanga achifamba achienda, anoverenga chenji uye anoona kuti mutengesi apihwa chenji YAKAWANDISA. Mutengi wekutanga anoseka uye anoti, ***“Iri izuva rangu rerombo rakanaka! Mutengesi uya wemuchitoro andipa chenji yakawandisa. Munhu asina kudzidza; haatomboziva masvomhu. HAHA!!”*** Mutengi wekutanga anofamba achienda.

Mutengi wechipiri anobva apinda muchitoro oenda kunotenga munyu uye anogashirawo chenji isiriyo kubva kumutengesi.

Mutengi wechipiri paanoenda, anoverenga chenji uye anoona kuti mutengesi amupa chenji YAKAWANDISA! Mutengi wechipiri anotaridza ane hanya uye anotaura chimwe chinhu sekuti, ***“Ah kwete. Mutengesi andipa chenji yakawandisa. Akanganisa uye acharasikirwa nemari mubhizinesi rake nenzira iyi.”***

Mutengi wechipiri anodzokera kumutengesi uye haatauri nezvaMwari, kana Kereke....asi anongotsanangura kuti agamuchira chenji yakawandisa uye anodzose mari yakawedzerwa yacho.

Mutengesi anobva ati, “Ndinokutendai zvikuru. Handina kumbobvira ndapedza chikoro uye handizive masvomhu zvakananyanya. Izvi zviri kundikonzeresa dambudziko guru mubhizinesi rangu. Ndinoshuva kuti dai ndaigona kuita masvomhu zviri nani.”

Mutengi wechipiri anonzwira tsitsi uye anobvuma kuti iri idambudziko rakakura. Mutengi wechipiri anosarudza kubatsira kudzidzisa mutengesi masvomhu chaiwo uye mamwe maitiro ebhizinesi kuitira kuti agone kuvandudza bhizinesi. Mutengesi anoratidza kuti anotenda ZVIKURU sezvo Mutengi wechipiri anobuda muchitoro.

# Chidzidzo chekutanga: Nyaya Pfupi Nhatu

**Nharaunda yekutanga** Mune mumwe musha, pese pairwara munhu, n'anga yaiuya ichida kuti vabayire mhuka kuti vawane mazano nemishonga. VaKristu vekereke pavakadzidza nezvehutano kuburikidza nechirongwa cheTCT, vakatanga kushandisa zvidzidzo izvi kurapa zvirwere zvinowanzoitika kwavari nevavakidzani vavo. Vanhu vese vepamusha apa vaiona kuti vanhu vaitevedzera zano ravo vaizopora pasina kubaira mhuka. Iye zvino musha wose unoedza kudzivirira uye kurapa zvirwere pane kuita zvibayiro. Izvi zvinovachengetedza pamari uye zvinovachengeta pahutano! Zvinoita sokuti kushumira Mwari wavo kunoita kuti upenyu hwavo huve nani. Zvinoita kuti hupenyu hwedu huve nani, zvakare!

- Kereke yakaitei?
- Kereke yakaona sei zvikomborero zvaMwari?
- Ishanduko ipi yakaitika munharaunda?
- Ko vanhu vemumisha vakazvitora sei?
- Tingaita sei kuti tifanane nekereke iyi?

**Nharaunda yechipiri** Mumusha medu paiuya vanhu kuzokohwa munda, muridzi wemunda aitonzi ape chikafu chakakura nezvekunwa kana doro. Dzimwe nguva mutengo weizvi waipfuura purofiti yandaizoita mumunda! Pashure pokudzidza nezvekuita Mabasa eRudo, vaKristu vomunharaunda yedu vakasarudza kuti vaizobatsira muminda yevarambo pasina muripo. Nenguva isipi, vamwe vanhu vomumusha wacho vakaona zvavakanga vachiita uye vakarega kuda zvokudya nezvinwiwa, zvakare! Vakatabatsirawo mumunda wangu! Mazuva ano munhu wese mumusha anobvuma kushanda muminda yemumwe mahara. Tese tinouya nezvokudya zvedu uye tinoshanda pamwe chete. Nekuda kweizvozvo, ndinokwanisa kuita purofiti uye ndizvo zvakaitawo vavakidzani vangu! Ikozvino kukohwa inguva yatinotarisa kwairi pachinzvimbo chenguva yatinonetsekana nayo, uye tinogona kuriritira mhuri dzedu nepurofiti yedu! Ndinoshamisika kuti nei chechi yakasarudza kubatsira kunyange vanhu vasiri vaKristu? Pamwe ndichavabvunza...

- Kereke yakaitei?
- Kereke yakaona sei zvikomborero zvaMwari?
- Ishanduko ipi yakaitika munharaunda?
- Ko vanhu vemumisha vakazvitora sei?
- Tingaita sei kuti tifanane nekereke iyi?

**Nharaunda yechitatu** Musha wedu waita Mabasa eRudo chikamu chehupenyu hwedu hwemazuva ese. Tinoita Mabasa eRudo svondo rega rega. Kutaure idi, aya azova mararamire enguva dzose zvokuti zvino, pose apo mumwe munhu anoona panoda rubatsiro, anongomira ndokuedza ndokupedza chinetso chacho. Kana paine matombo kana marara mumugwagwa, vanomira kuti vaabvise. Somugumisiro, musha wedu wose wakashanduka kubva pakugara uine tsvina zvikurusa, usina kusimukira zvikurusa munharaunda yacho kuenda kuva wakakudziridzwa chaizvo uye wakatsvinda! Munguva pfupi yapfuura takakwanisa kuvaka kereke yakanaka nemari yatinayo kubva mukushanda nesimba uye kubatsirana! Tinogona *kuona* shanduko, asi *tinonzwawo* shanduko munzira dzatinobatana semumwe nemumwe. Tinofara zvikuru uye tinotenda kuti vanhu vekereke vakatida zvokuti vakatiratidza mararamiro ari nani.

- Kereke yakaitei?
- Kereke yakaona sei zvikomborero zvaMwari?
- Ishanduko ipi yakaitika munharaunda?
- Ko vanhu vemumisha vakazvitora sei?
- Tingaita sei kuti tifanane nekereke iyi?

# Chidzidzo chechitatu: Mutambo

## **Munhu wekutanga:** (Ratidza KUDADA zvikuru)

Zvinofadza sei! Nhasi ndaparidzira mhomho yevanhu muguta. Magudzanzwi angu abatsira kwazvo kuti munhu wese anzwe minamoto yangu yemhando yepamusoro uye mitemo yemweya - ndavaudza nzira dzese dzavanofanira kurarama. Ndinoziva kuti ndaita kuti vanzwisise, nokuti vose vasimudza maoko avo kuti vave vaKristu pandapedza kuparidza. Ini zvirokwazvo ndiri muvhangeri akanakisa munzvimbo ino - hapana mumwe munhu ane budiriro seni! Hazvishamisi: nekuti ndinopedza maawa maviri ndichinyengetera uye awa imwechete ndichiverenga Bhaibheri zuva rega rega. Svondo rakapera ndakatsanya kwemazuva matatu ndikakumbira Mwari kuti vandipe vanhu makumi mashanu vanotendeuka mwedzi uno. Ndine chokwadi paAnoona kunyengetera kwangu nekutsanya kwandinoita kuti achapindura munamoto wangu. Zvakanyanya kuipa kuti vamwe havasi vemweya seni - havazivi kuti vanganyatsozvipira sei kubasa raMwari ... Oo - chidhakwa chemunharaunda icho zvakare. Zvinoita sekuti haachakwanisa kuwana nzira yake yekudzokera kumba apa dzingori nguva dzeshanu! Anofanira chaizvo kunzwa imwe yemharidzo dzangu! Zvakanaka, handina nguva yake iye zvino - inguva yekunyengetera! (Kurumidza kuenda.)

## **Munhu wechipiri:** (Ratidza kugumbuka, nemafungiro akaipa, uye wedzera hashha paunenge uchitaura)











Haiwa! Zuva rakadini – ndaneta! Kuva chikamu chechechi kuri kutora NGUVA nguva yangu zhinji! Svondo rega rega ndinopedza nguva yangu ndichibatsira vamwe nekuimba mukwaya. Hazvishamisi kuti sei mufundisi akandiudza kuti ndakanga ndiri chikomborero chakadaro kukereke! Nhasi ndashanyira vanhu vatatu vanga vachirwara ndikavaunzira chikafu. Svondo rapfuura chete, ndakaronga kuvakwa kweimba yechirikadzi... (Anotanga kutsamwa) Handizivi kuti sei vana vake vasingakwanisi kubatsira – ane vanakomana vaviri vanofanira kubatsira! Ndakapedza nguva ndisiri nemhuri yangu, asi hapana anoita seane hanya kuti ndiri kuzvipira kuti ndivabatsire! Ndine chokwadi chekuti havazombonditenda nebasa rangu rose. Pamwe mufundisi nevamwe vari muungano vachaona kuti ndiri muKristu 'Akanaka'. Zvakanaka, inguva yekudzidzira kuimba. Zviri nani ndiende...


## **Munhu wechitatu:** (Ratidza Kuzvininipisa uye kuva neMoyo unotendeuka)

Ndinogara ndichifadzwa na (munhu wekutanga) uye (munhu wechipiri). Vane mweya uye vanoita zvinhu zvakanakisa zvakanaka zvekereke. Asi zvinoita sekunge ini handisati ndambokwanisa kuva akanaka saivo. Nhasi ndamboedza kuita nguva ndichinamata asi papera maminiti mashoma mwanasikana wangu abva adonha ndokuchekeka ibvi rake, ndambomira ndokuchenesa ndokumuisa bhandeji. Nenguva isipi yanga yave nguva yekuendesha vana kuchikoro. Ndabva ndaenda kumunda kunoshanda. Ndichisvika kumba ndambomira ndichiona chirikadzi inogara pedyo. Ndinomunzwira hurombo - achangobva kufirwa nemurume wake uye ane shungu kwazvo. Ndinomunzwira tsitsi chaizvo. Taita maawa mashoma tichikurukura ndichimubatsira kuwacha, uye ndanyengetera naye. Aratidza kufara zvikuru, asi ndinoshuva kuti dai paiva nezvakawanda zvandaigona kuita kuti ndibatsire. Moyo wangu unosiririswa kwazvo nokuda kwake. Kudai ndaigona kuwedzera pakunamata


sevamwe, ndaigona kuita zvakawanda. (Akakotamisa musoro) Baba ndiregerereiwo nenzira dzandisina kukwana. Ndinoda kurarama hupenyu hunoKukudzai. Ndiratidzei nzira yekushandisa nguva yangu uye kuti ndingada sei vamwe sezvaMunoda kuti ndiite. Ndinoda rubatsiro rwenyu; Ndinoziva kuti handikwanise kuzviita ndega.


**Chidzidzo chechina: Mutambo wemaDoti  
Matema (Black Dot Game)**


	
	
	
	
	


































**Chivi Chikanyanya:** \_\_\_\_\_

DANHO	MUFANANIDZO	CHIVI
BVISA CHIVI		
1. Ziva Chivi chacho		
2. Reurura uye Regererwa		
3. Tendeuka uye zvipire		
KUVANDUDZA PFUNGWA DZEDU		
4. Namata zuva nezuva		
5. Kuzvidzora Mumafungiro edu		
6. Kubata/Kuziva Magwaro nemusoro		
TSIVA ZVAKAIPA NEZVAKANAKA		
7. Tiza Muedzo		
8. Dzidzira Maitiro Matsva		
9. Kuzvidavirira		

# **Chidzidzo chechipfumbamwe: Nzira Nomwe dzeKukurudzira Kushumira**

- Wakamboedza imwe yenzira idzi here? Ndeipi yakashanda? Ndeipi isina kushanda?
- Ndezvipi zvimwe zvikamu zvendima zvatingashandise kudzidzisa pamusoro pekukosha kwekushumira?
- Ndedzipi dzimwe nzira dzawakashandisa kucherechedza nekutenda vanhu? Ndeapi mamwe mazano aungaedza?
- Ungaita sei kuti uwedzere kunakidzwa mukushumira? Ndedzipi nzira dzekuita kuti kushumira kuwedzere kunakidza?